


白眞人文集

元

一之四




漢書門	一〇二八九號
類	七五函
冊	一册
冊	四册

白眞人文集	一〇二八九
元	四
冊	一册
冊	三二八

十

内閣文庫	
番號	漢 10289
冊數	4 (1)
函號	315 128

315-128



瓊瑄白真人文集叙

淺草文庫



廣成子告黃帝曰無勞爾形無
搖爾精乃可以長生言玉液煉
已者祖之有曰至陽赫二至陰
肅二肅二發乎天赫二發乎地
言金液煉形者祖之玉液為始

終日用工夫金液則一時半刻
妙術了性了命更無他道黃帝
闡其秘則有陰符柱下暢其旨
則有道德伯陽殫其蘊則有參
同平炁吐其術則有悟真至是
而性命之學發露無餘矣自後

平炁授之石得之石授之薛道
源薛授之陳泥丸而真人之道
乃受於泥丸先生者相傳次第
何其真的哉真人名玉蟾號瓊
瑄世為福之閩清人大父董教
瓊州而真人生于瓊天資聰敏

髻亂時即能背誦五經及長文
思汪洋頃刻數千言立就然其
長篇大牘弄翰戲語無非發明
性命之學也予遊留都遇一異
人得聞真人煉已煉形之說又
游臨江遇一道者得傳真人洞

真雷法之書而眩之閻皂玉笥
二名勝則又真人遊寓寂久之
處序記詩歌為多因而窮搜廣
訪凡散見於誌藉者會為一帙
朝夕究悟而陰符諸書性命之
秘旨大都洩於其中矣是道也

人之有之果能積養積氣清靜
無為以立其基窮彼至陽至陰
之原得先天真一之氣以為其
母抱元守一九轉大還以純其
功則由真人而直遡廣成不難
矣雖然觀前後恬活歌而見真

人求道之苦觀煉丹不成詩而
見真人用工之難不從苦難處
大做一番而欲以沉酣富貴之
身紛紜利欲之念妄希意於此
道也不猶適燕而抵粵哉予持
真人集游閩中詢知真人家壺

閩清自喜曰何其有緣如是同
寅

林邦瑞丈潮人為真人鄉後進
素有志於性命之學者因托其
校正而付之梓

峇

萬曆甲午年端陽日龍沙會中
和宮中式首座粵地教宗會稽
泰寧何繼高書



白真人傳

白真人名玉蟾號瓊瑄本姓葛名長庚大父曰
有興福州閩清縣人董教瓊州而生真人于瓊
紹興甲寅三月十五日也祖父繼亡母氏他適
因改姓白真人天資聰敏髫髻時背誦九經十
歲來廣城應童子科主司命賦織機詩即應聲
詠曰大地山河作織機百花如錦柳如絲虛空
白處做一匹日月雙梭天外飛遇泥丸真人陳
翠虛携入羅浮未幾遍遊名山於黎母山中遇

白真集
神人授以洞玄雷法能呼召雷雨馘攝精魔後
又師事泥丸翁於羅浮者九年盡得其還丹秘
傳經書一覽即了大義文思汪洋頃刻數千言
又善草書有龍翔鳳翥之勢自讚云千古蓬頭
跣足一生服氣食霞笑指武夷山下白雲深處
吾家封紫清明道真人彭鶴林又紀其成道後
出沒隱顯變化莫測真人舟嘗過鄱陽湖篙師
值日暮議泊真人剪紙月噓于檣端皎然達旦
而舟行無阻又嘗與衆泛舟西湖酒酣躍入水

中衆驚呼援溺真人出水面搖手止之而沒後
忽見於海豐縣嘉定末詔徵赴闕對御稱旨命
館太乙宮一日不知所往

新刻瓊瑄白先生集目錄

卷之一

賦

金液大還丹賦

龍虎賦

孺翁齋賦

卷之二

詩五言古

白蓮詩

白雲集

煉丹不成

金液大還丹

五言律

梅窓

張進甫靜寮

立秋有感

贈潘高士二首

五言絕句

雷恬真小隱送春

旅邸睡起

題仙岩無塵軒

詠四仙四首

題棘隱壁二首

呈嬾翁六言六首

卷之三

詩七言古

清勝軒夜話

夜宴清勝軒醉吟呈

白雲集

目錄

二

題清勝軒壁

再題清勝軒

仙岩金仙闕

慵菴

題三清殿後壁

題丹樞先生草庵

題趙太虛畫竹石

題畫魚者

郭承務蘆鴈

詠雪于清虛堂

純陽會

贈城西謝知堂特通

端午述懷

山巖行

燕巖行

胡東原香錦亭

飛仙吟贈留紫元

聽趙琴士鳴絃

贈方壺高士

贈蓬壺丁高士琴

謁仙行

卷之四

七言律

題清虛堂

初見嬾翁二首

賦主嬾翁二首

薄暮抵嬾齋醉酡至醉遲明有詩

贈王太尉

復盧良庵韻

題儵然軒

和兼宰韻題囊無咎齋

立秋有懷陳上舍

夢中得五十六字

胡中隱庵中偶題

萬息庵送春

胡子羸庵中偶題

贈天台老樊

贈吳草裘

寄蘇侍郎

天開畫樓圖

贈危法師

遊楊子岩

燕岩遊罷與岩主話別

題舒氏難老亭二首

贈琴客陸元章

題棲仙館

雨中題旅館

悔齋

天谷庵

降真室

題慵庵盧副宮

盧叔裕清貧軒

劣隱

思薇堂

題上清法堂壁

太虛堂

三華院還丹

送江子恭三首

送張太師

贈杜省元

淡庵倪清父

倪敬父柯山

酬蔣知觀所惠詩

讚鐘

靖通庵

澹庵

假山

美周都監禱雨驗

別句呈庚契吳高士

蒙谷

題西軒壁

贈趙縣尉

贈趙翠雲

贈雷恬真

題天慶觀

題嶽祠

題紫芝院

卷之五

七言絕句

曲肱詩 二十首

題棲鳳亭四首

題胡運幹別墅二首

詠韓湘

孤螢

題武夷五首

題鄭通妙方之

九曲雜詠九首

九曲棹歌十首

武夷有感十一首

春

夏

秋

冬

曉

暮

行

住

坐

卧

結末

題精舍

詠雪

題凝翠閣

贈黃亭虞史

贈陳孔目

贈陳先生三首

龍井

金雞洞龍潭

白雲集 目錄
華陽吟三十首

卷之六

歌

南岳九真歌

畫中衆仙歌

雲遊歌二首

快活歌二首

必竟恁地歌

安分歌

茶歌

大道歌

祈雨歌

木郎祈雨呪許江

武夷歌

西林入室歌

萬法歸一歌

卷之七

曲

白雲集

目錄

七

滿江紅 咏武夷

念奴嬌 詠雪

水調歌 詠茶

水調歌十首

水調歌頭 修煉

沁園春 修煉

沁園春 贈胡葆元

滿庭芳二首 修煉

醉江月 冬至贈胡胎仙

水調歌頭

又二首 丙子七月十八日得雨午後大風起因而有感

又 石知院生日

滿江紅

阮郎歸 舟行即事

山坡羊四首

卷之八

傳

旌陽許真君傳

許真君後傳

逍遙山群仙傳

吳猛

陳勳

周廣

曾亨

時荷

甘戰

施岑

彭抗

聃烈

鍾離嘉

黃仁覽

蘭公

譙姆

卷之九

記

玉隆宮會仙閣記

閣阜山崇真宮昊天殿記

湧翠亭記 缺首

心遠亭記

牧齋記

武夷重建止止庵記

遊仙岩記

雲窩記

駐雲堂記

橘隱記

棘隱記

常寂光國記

卷之十

文

屏睡魔文

道學自勉文

東樓小叅文

冬至小叅文

勸道 一作白日銘

隱山文

說

夢說

良庵說

醫癰癩序

論

修仙辨惑論

谷神不死論

陰陽昇降論

玄關顯秘論

經

烏兔經

鈎鎖連環經

丹房法語

卷之十一

表章疏語

贈知宮王南紀洞章

法曹陳過謝恩奏事朱章

懺謝朱表

表奏法壇傳度首過謝恩朱章

雷府奏士議勲毋章

為武夷道衆奏為傳法謝恩醮詞

化冥君薦衣疏語

化畫應緣功德

化修造精舍

緣化度牒二首

會真堂疏語

給誥疏語

書

謝張紫陽書

謝仙師寄書詞

贊

歷代天師贊 三十二首

知宮王琳甫贊

管轄陳君綠雲先生像贊

靖虛先生贊

白真集 目錄

塑朱文公遺像

讚文公遺像

自贊喜神

先生自贊

倪雪窓喜神贊

周伯神喜神贊

卷之十二

丹訣

金丹火候訣

金丹大藥訣

金鼎金丹圖

神寶嬰兒圖

偃月爐三關圖

刁圭玄牝圖

攢簇五行圖

和合四象圖

性命真土圖

四象之圖

白真集 目錄

天地交乾圖

日月合璧圖

陰陽參同七鑑

丹法參同十九訣

丹法參同三十對偶

丹法參同二十貫穿

造物圖

龍虎圖

金液還丹圖

仙化圖

天機圖

六要口訣

目錄終

白真人集 卷之二
土汞中產金龜乃子爻蛇乃午象兔爲卯畜雞
爲酉禽四象五行不離乎戊三元八卦當資厥
壬朝既屯暮既蒙六爻有象夜必復晝必垢萬
物無心由是三性會合攢簇元宮二氣昇降盤
旋黃道惟一味水銀纔變黑玉故七返朱砂乃
成紅寶朱橋瓊榴交梨火棗普天白雪翩翩紫
府之清飈滿院黃花隱映丹田之瑞草吾知夫
抽添何物採取何色生殺有戶圓缺有時以浮
沉爲清濁之本以間隔明動靜之機養正以抱

一持盈而守雌舉世無人能達此者終日兀坐
不知所之恩生害害生恩房躔見昴主中賓賓
中主斗度回箕嘗謂大道無言內丹非術玄珠
垂象而陰裏抱陽德嬰兒結胎而雄中含雌質
君臣之間先後悔悵夫婦之外存亡吉凶丁位
之辛癸位之張甲宮之女庚宮之畢刑德生旺
雖有否泰沐浴潛藏初無固必藥材斤兩東西
南北以歸中火候城池二八九三而如一如是
則鵲橋河車百刻上運華池神水四時逆流榮

衛寒温而鷄火鬼井精神衰玉而玄枵斗牛子
毋函蓋身化心化兄弟墳麓福修慧修六畫動
爻見晦朔弦望之變二至改度有蝗虫水旱之
憂真人宇宙妙縱橫溪山歸掌握左軍右軍自
古仁義大隱小隱從今宮角風悄悄月娟娟片
雲孤鶴而長嘯一聲編書以遺後學

龍虎賦

竒哉九轉金液七返大還丹誠神氣之陀羅兮
性命之衆甫擎阿耨之元兮職達摩之華勛身

砂而心汞兮出日而入月青龍白虎朱雀兮熒
惑居癸而漭渺位丙絳宮天子兮御黃庭之奧
壺慈兮悲兮威惠而武文天一坎地二離兮乾
坤互南北真鉛先天之氣兮可爲七十二名之
冠剛弱中外而雌雄調理兮金火含受金水之
事初九未神變兮天心抱陽和木汞生東辰之
體兮金精長西戌之胚巽畢復而乾畢剝兮春
秋而仁義冬夏而界度亶婁上下釜兮砂汞所
配感之神室張虛危翼兮金不綻而主不輕潛

藏飛躍兮往來上下無爻位而歸乎太極兮以
包囊泉石有無隱顯兮水金爲丹本日精滅坎
離兮浮沉而消息金公索坎實兮姪女叩離虛
金戮木而水殄火黃帝堅旗於金鄉兮金木火
化爲明窓塵混沌之金火兮實精終一九一斤
十六兩兮三百八十 四銖震爻膺陽錄兮水
翠玄而金赭黃山河大地以凝虛兮精液混丹
砂而融真黑鉛變素朱汞瑩碧兮金華鴻濛而
洞虛水一火二而上五兮濡英金而飛精水天

地至精兮以戊巳運天符十二斗樞而十二鍾
律兮流汞日之魂黃金月之魄玄圖未漸剥兮
陽精爲畢方之父坤變震於初而變兌於再兮
日月既合璧而上弦平如繩三五三陽既圖兮
圓明現東甲蟾蜍視卦節兮兔魄吐生光乾初
變於巽再變於艮兮月明辛而現丙周迴五六
而東北喪朋於乙地兮土與木金和爲液而復
象禪雷震神室兮中五運而外八卦陰符陽火
兮六旬化雞子而五嶽峙潛樞頂乾金而踵坤

水兮陰陽稟自然而中和流素津靈戶黑鉛鍊
真土兮泉窟白金主水銀玄末陽動而曦馭行
南陸兮五星連珠而金砂呼吸日月之遲速紫
微十六華蓋星兮三台攝調燮之星以責統錄
日火合五行之精兮鍊中宮之土月金受六律
之紀兮入北方之水火是藥之父母兮藥是火
之子孫水土金兮六十日先后存亡金汞抵角
兮鼎室抗衡土母召四方之和兮乾動應三光
金火精氣而光耀一室兮何水涸而火殞龍虎

之氣相交兮金木之情契合情性交結兮溫養
子珠水者玄華而土者金母兮丹室結流珠而
黃黑混水土之元精紫華敷腴而黃液蕩漾兮
神藥未遂金生水鍊鉛爲白金兮白金爲神室
神室有金水兮火色變凝而黃輦水火凝中府
兮金液不飛火灼金華兮輕烟薄霧以寂白金
爲有而火氣爲無兮鍊汞北神兩虛無兮水火
抱粹而日月懷冲黑鉛兮金精玄水而包坎汞
黃芽現白蘂兮紅苞金爲水母兮華池泛真素

白雲集 卷之二
五
壇爐鼎竈有神室而委曲關隄金土合汞兮自
然而神化矣

嬾翁齋賦

眉山蘇森老於懶以懶翁名其齋翁其真懶耶
雖曰鷗不入鴛鴻也其如蒼生缺望何吾聞翁
兒時不甚懶也以黃絹鞭心以青衫結髮以勲
業覽鏡以文章鑿鋒折旋俯仰於周孔之間軒
昂軼蕩於韓柳之外彼時黔黎見翁者以手爭
指以目爭覩皆有望吾懶翁以禹臯爲心也今

何爲其懶乎一斑未露而仕意已飽儒林煙薄
學海波寒豈不孤朝簪拭目之望自嘉泰間牧
筠陽時翁旣乞祠逮作衡陽侯復有武夷歸隱
之請蓋翁無心於仕而宦情如秋故於縉紳間
無苞苴從吏之欲所以龍蟠而不雨也翁今已
過於從心之一年宜乎猶懶於前而投閑終老
於雲水堆中矣翁有金華之浮家即其先侍郎
之故廬也堂前有丈餘空隙遂以八九椽而宇
之三面開牖粗可容膝砌板代磚濡灰飾壁蓄

一枝花立綠桐之琴事三尺汶陽碧苻之劍翁
欲睡時化爲蝴蝶飛上登華胥國翁欲飲時伸
頸如玉缸一吸酒海乾翁欲吟時玉樹葱生風
珠璣吐落紙翁欲碁時縱橫星斗亂剝琢玉聲
寒翁欲舞時谷神移玉山飛劍指空碧翁欲行
樂時橫施七尺筇松間一長笑翁欲狂歌時一
聲轟鐵笛喚起玉淵龍謂如溪山得名草木無
咎者翁亦從而詩之花魂無主月魄不歸者翁
亦從而酒之翁但懶於世事而此皆不懶之懶

也閑時而碁興時而飲暢時而歌醉時而睡此
生爲任真所適得自若也事各各付事物無心
於事無事於心此則翁之懶處也晞顏之坐忘
徬綦之喪偶漸入希夷與物俱化至於忘寢忘
食之地則謂之真懶也翁也心君毀清閑白眼
視朱紫正所謂杜鵑罵鴻鵠丹稜笑榎楠也翁
君齋中惟嬾所適雨送添硯之水竹供掃榻之
風雲展遮山之簾草鋪坐石之褥晝則博山飛
碧蛇夜則銀缸泛紅粟飲酒吞風月吟詩咬水

雲斫竹斬春風移花鋤曉月此則翁之嬾中不能懶也客從武夷來見翁如此懶遂造嬾翁齋醉筆自淋漓應問懶翁曰東風開柳眼黃鳥罵桃花齋中自有春不喜出郊飲翁於此時懶於踏青乎幽軒風雨過明月一池蓮筆下生薰風此心不受暑翁於此時懶於入林乎落葉隨孤鴈呼霜要辨寒秋光滿乾坤萬象自瀟洒翁於此時懶於登高乎水浸梅花影猿呼樹霜芋火煨地爐烹茶自煮雪翁於此時懶於探梅乎翁

曰然噫塵垢刺眼名利焚心豈能一旦頓然似翁如此懶也壁上之琴幾日蒙塵窓間之硯幾日無水翁嬾之故也清風而關門留月而持榻翁懶之甚也嬾翁有齋可以避風雨有田可以供饘粥有子可以嗣衣鉢不與俗交不與人語翁之身前乃一老禪也既見武夷白玉蟾遂喜而終日與語玉蟾喜而賦此齋昔乃嘉定丙子初夏十有五也毛穎文陶泓等侍

新刻瓊瑄白先生集卷之一終

新刻瓊瑄白先生集卷之二

宋 海南 白玉 璫 著

詩五言古

白蓮詩

淵明歸西天不作東林社不見張昌宗無人舉
 此話誰家栽綠荷薰風漾碧波波底水晶空化
 出玉姮娥嫣然冷無語冰肌臥曉雨東君如夏
 日此花不受暑一點天然香隨風入畫堂折之
 置坐隅窈窕弄玉郎忽然心緒變如覩佳人面

寄語明月樓莫貯雙飛燕

煉丹不成

八兩日月精半斤雲霧屑輕似一鴻毛重如千
秤鉄白如天上雪紅似猩猩血收入玉葫蘆秘
之不敢泄夜半忽風雷烟氣滿寥廓這般情與
味啞子咬破舌捧腹付一笑無使心惱熱要整
釣魚竿再斫秋筠節

金液大還丹

烏兔乾坤鼎龜蛇復姤壇世間無事客心内大

還丹白虎水中吼青龍火裏蟠汞鉛泥藥艷金
木雪花寒離坎非心腎東西不肺肝三旬窮七
返九轉出泥丸

五言律

梅窓

南窓屋數楹一點陽和生枝上雪粧瘦墻頭風
作清霜天酒自煖月夜夢難成何處人吹笛黃
昏送幾聲

張進甫靜寮

脫俗卧雲眠胃中別有天壁間五六榻屋上兩
三椽風月真滋味溪山舊面緣靜中有真靜猿
嘯暮林邊
立秋有感
流年急似箭日月跳如丸炎皇初解印白帝久
彈冠方且喜無暑教人又怕寒人生只如許不
覺鼻頭酸

贈潘高士二首

冬至煉朱砂夏至煉水銀常使居士釜莫令鉛
汞分子毋既相感火候常溫溫如是既久久功
成昇紫雲

二

龍虎戰百六烏兔交七九坎離直寅申艮巽司
卯酉一粒同朱橘千古汞不朽八月十五夜三
盃冬至酒

五言絕句

雷恬真小隱送春

天不欲留春東君暗歸去碧梧枝上看瀟瀟風

送雨

旅邸睡起

雲為山積翠雨倚草添青一覺南柯夢俄然鳥喚醒

題仙岩無塵軒

塵尾清虛話銅爐起淡煙嶺頭猿叫罷月落碧潭圓

詠四仙四首

韓湘子

白雪滿空夜黃芽一朵春藍關歸去後問甚世間人

陳七子

一卷無人識千鍾對客談桃花開欲謝猶自戀寒岩

何仙姑

闌苑無蹤跡唐朝有姓名不知紅玉洞千古夜猿聲

曹國舅

白真集 卷之三
竊得玉京桃踏斷京華草白雪滿蓑衣內有金丹寶

題棘隱壁三首

苔空綠錢死松死清陰瘦結廬卧白雲栢子燒
春晝

二

幽鳥噪岩谷寒烟瑣薜蘿忽遇金蟾蛛無人自
呵呵

三

碧草正春風雨晴竹落涕白鳥忽飛來點破一

山翠

六言詩

呈嬾翁六首

倦子冷居姑射居士高卧毗耶鈍置詩盟酒約
只自焚香吃茶

二

酒惡頻將花嗅睡酣便把茶澆秋到梧桐枝上
夜來風雨瀟瀟

三

金醴青如竹葉玉蛾白似蓮花聞君微悉脫體
杖藜欲訪君家

四

蓮蕊嫌風狼籍稻苗得雨精神翻憶武夷九曲
去秋艤棹溪邊

五

醉得枕上化蝶睡起筆下生蛇口長心下無事
饑來只是食霞

六

秋雨織愁成段暮雲過眼生花棲鳳亭中寂寞
武夷舊有仙家

新刻瓊瑄白先生集卷之二終

新刻瓊瑄白先生集卷之三

宋 海 南 白 玉 蟾 著

詩七言古

清勝軒夜話

殘燈結花滿堂紅酒興未已詩興濃寒雲蠹星
瑣翠空一林幽竹夜呼風逸士倚樓嘯玉龍蟬
聲泣露落梧桐把手論文開心曾黑甜相催話
未終香篆飛蛇穿簾櫳隣鷄喚曉何處鐘摩挲
醉眼欄干東茶鐺無火召玉童三子芒鞋七尺

筇踏破青山綠幾重
夜宴清勝軒醉吟呈倪梅窓吳道士隱南
山前浩歌覺聲乾長嘯直入碧雲關梅窓主人
攜百壺一夜談話秋雨寒燈紅吐出玉虫巧道
人大嘯拍床吼連榻隱南吳庚契要看紙上生
蛇走停盃撐發詩顛橫捉二筆半欲眠笑把
崑崙醮滄海寫出新詞數萬編

題清勝軒壁

竒花兩朶香一爐片心無事便清虛壁頭有琴
床有劍浩歌梵曲聲虛徐物外志趣本不俗山
軒清勝萬事足自勸之酒三兩盃無事之碁三
兩局

再題清勝軒

滿林幽竹夜來風南極一點飛寒空玉爐異香
繞琳宮此間知有神仙翁清勝軒中頗幽絕白
鬚道士持檀笏眉毛掀起溪上雲眼光燦破峯
頭月瓊房壁上掛瑤琴把劍舞罷千古心蓬萊
一別醉吹笛今日一見歌長吟天祇呵道綠烟

白真入集 卷之三
起滿前王趙皆珠履倦蛇縮尾青蛇死彈指傾
倒天河水砂篆 揮走神鬼雷電霹靂動天地
信知妙用古所無猶未收拾歸天衢月冷風清
白鶴唳寶旛飛霞繞玉壺武夷散人好詩酒昔
者見君今番又

仙岩金仙閣

寒煙鎖斷梵王家一篆傳山飛冷蛇滿天秋雨
落瓊花清溪漲綠沒平沙老松壓石岩爭聳青
蘿拽樹牽雲遮竹根倒出鳥翅斜夜半寒風攪

宿鷗木魚喚粥蝴蝶醒岩頭殘月沉丹井

慵庵

絳闕清都舊姓名此生落魄任天真橫窓古硯
前朝水掛壁閑琴幾日塵幽草莫鋤沿石靜落
花不掃襯苔勻倩風來作關門僕借月權爲伴
酒人書史無言古滋味關山不動盡精神有茶
不作蝸牛戰無夢可爲蝴蝶身一得自家慵底
事幽禽簷外一般春

題三清殿後壁

白真入集 卷之三
些兒頑石些兒水盡工撐眸幾睥睨忽然心孔
開一竅呼吸掇來歸幅紙白髮黃冠逞神通手
把武夷提得起大槐宮中作螻蟻醒來聞此心
豁喜芒鞋竹杖一彈指三十六峯落眉尾魏王
豈是中秋死玉骨猶存香迤邐八百年來覓隻
鶴一舉直上三萬里半杯澆濕曾孫齒慢亭遺
事落人耳新村渡頭拽轉蓬寒猿聲落青烟裏
老松今已幾年梢毛竹于今復生米岩上無人
花自紅幽鳥自鳴鳴自止笑將鈇笛起清風白

雲飛過看無蹤夜來月影掛梧桐莓苔滿地綠
容容丹崖高處藥爐空洞前雲深千萬重我亦
偶來還自去一夜瀟瀟江上雨飛廉怒作滿空
雪天柱峯前飛柳絮

題丹樞先生草庵

數朶竒峯如削玉一溪秋水生寒綠幸有白雲
深處茅更蕪明月壇前竹誅茅伐竹結籬廬現
成山水可樵漁隨緣隨分山中住收拾摩尼如
意珠草蘆道人貧撒骨一廬瀟灑空無物身中

有寶不求人價大難耐不拈出朝朝暮暮了身
心山自開花鳥自吟未見桑田成海水夕陽幾
度瑣平林住此草廬無別術終日凝神惟兀兀
不是十洲三島仙亦非十方二世佛是個逍遙
無事人廬中涵蓄一壺春窓前明月千年影枕
上清風萬劫聲廬內主人那個是古今占斷清
閑地忽然洗面摸得鼻不飲不食夜不寐廬空
人去煙濛濛白鶴呼雲滿壁空一瞻元始天尊
面處處爲廬處處同有个草廬小復小此是虛
空那一竅頂頭不掛一莖茅萬象森羅爲拱斗
劫火洞然毫未盡此廬不壞人如舊

贈趙大虛畫竹石

竹魂竹魄竹精神飛落瀟湘淇水瀕千竿萬竿
競青翠吹風飲露千來春先生筆端自風雨驚
起竹魂無着處一點水墨化成龍龍孫飛去鴉
溪住先生把筆無逡巡造物不敢私爲春新稍
勁節森寒玉鸞鳳無處棲夢魂晉人神仙如孫且
畫竹每每天作雨唐人神仙如張璪畫竹每每

白真入集 卷之三 五
聞鴈鳴先生自得入神手一竿兩竿發於酒當
時大醉呼墨奴一筆掃出竹千畝酒力安能奪
化工先生鍊就金丹紅一粒陽光照肺腑森羅
萬像羅心胷有時持出風竹葉銀海不寒皆震
攝有時持出雪中枝恍如凍碧欺漣漪復能濡
墨作石塊天然峭拔古且怪沙中伏虎草中犀
教人持向蓬萊賣竹之清虛石堅硬以此發明
真性命使人觀石及愛竹知有真个趙元靜先
生醉時常風顛世人眼孔無神仙我今珍藏數

本畫雲鶴來也公歸天

贈畫魚者

昔日僧繇所畫魚三鬣六鱗依翠蒲沈詞畫中
多畫魚鼓鱗揚鬣今為圖古人妙畫猶不朽今
人妙處古未有郭丹青者冠古今天下畫魚第
一手畫到妙處手應心心匠巧甚機智深紙上
溶溶一溪水放出鯨鱉三二尾金鱗錦鬣紅玉
鬣圍圍洋洋戲波裏小魚如針同隊行躍身潛
水浮弄萍擲頭掉尾浮沉勢三聚二散浮躍意

筆分濃淡計萬鱗劃鬚點眼勻墨痕狀如拋尺
量波練復似穿梭擲水面宛然鱣鱣巢青藻漁
翁未釣先吹火壁上魚濯水不流稚子睥睨敲
針釣君今畫到入神處此畫一出聲尤著魚雖
無腸有活意玉波浸潤澄寒渚深恐後夜或雷
雨化作龍飛禹門去

郭承務蘆鴈

畫士郭熙畫之冠郭熙去後名未斷其裔復有
郭萬里曾中丹青飽無限爲誰作此蘆鴈圖傑

出南齋字文煥煙水瀟瀟風捲蘆沙邊鴻鴈暮
相呼瀟湘洞庭此秋景世間此畫知有無幻出
棲鴈三四隻八九葉蘆橫古磧欲宿未宿嘹唳
聲漁舟泊岸山煙黑秋風吹落梧葉黃過鴈往
往歸衡陽橫空書字人不識飛過有影沉滄浪
落霞浸水江村暮數隻翱翔回古渡引領舉啄
啄荷花飛越戍樓西畔去雲寒月淡西塞秋幾
聲淒切惹人愁岸頭飛共丹楓落打團成陣訪
沙鷗似此景物似此意君今畫之不難事數幅

白集 卷之三
七
鵝溪冰雪縑須臾掃出蘆鴈市世間豈無學畫者木必有與君相似我欲致之篋笥間滿笥爽氣生秋寒恐君此畫無人見有畫闢者誰敢戰掛於幽軒素壁間一日須看千百遍

詠雪于清虛堂

長空慘慘晝如夜嚴風括得雲片下寒猿傍樹不敢聲江梅羞開恐易謝萬山無限落葉愁處處凝烟纏草舍枯槎凍壘不復活飛燕截住陽春赦餒虎呼雛入岩卧過鳥如梭鑽樹罅園林

瀟索無一物幾夜霜威煞無籍欲雨不雨數點霰雪意沉吟天似詐滿空飛起楊花架三日兩日凍不化眼前幻出白玉樓不敢登陟空嗟訝肌膚生粟鼻流水前村新醅復增價漁翁溪畔笑收網魚亦不知鈎有麝洗鐺簇火煎雪茶垂簾疊足說清話呼童攪泮硯中冰呵手團藥結詩社詩成此景尚自爾安得王維收入畫

純陽會

一點薰風舞綠槐祝融袞大從南來海棠落地

白真人集 卷之三
蜂蝶去池館無人蓮未開溶溶一掬清和髓純
乾已作牝馬矣岳瀆將此英雄氣收來頓在葫
蘆裏堦前十有四莢莫諫議夜來夢麒麟披獬
老翁自鼻笑胞胎未兆天元春洞賓弄巧翻成
拙蓬萊路上空明月墻頭梅子枝上醵池畔榴
花葉底血生來挺挺甚精神所適性癖窮天真
驀然悟得鉛汞機敢謂大道無楚秦忽爾金丹
成九轉十月胎圓人不問撼動乾坤走鬼神青
雲白鶴方解悶天下後世思真人嘗與真人慶

誕辰櫻筍厨開正來日釋氏亦欲制螭人不知
故事誰始實自五代譙陵起王詵建會集冠褐
飛來白鶴不知幾次則蕭氏建宅仙七閩萬戶
生祥烟一郡二郡漸風化駸駸知省洞賓賢城
南城北走幾次人亦不知回老是但見老松作
人語先生携墨歸誰氏太平寺裏作篇詩又道
磨鏡嫌人癡岳陽市心一長嘯鐵笛無聲今幾
時寶婺有人潘氏子功名願足心肺喜髻年崇
奉迄今日四海杖屨紛如蟻萬指叢中見玉蟾

白真入集 卷之三
不作衣衫襤縷嫌題詩祝君勵金石晨香夕燭
增嚴肅妙通老人暗撫掌何年熊羆人夢想待
渠崢嶸欲及笄整頓衣鉢福無量半千白鶴呼
青雲青雲深處瓊梅新有人要問飛昇事只有
天邊日月輪

贈城西謝知堂時通

蓬萊山上神仙翁道貌挺挺如喬松雙眸炯炯
黑於漆臉邊隱隱如桃紅有時仰天笑開口撮
起崑崙歸右手忽然虛空跌落地不覺滿腹藏

星斗有時驚起老龍號一口汲盡滄浪波打破
混沌揣出骨拈起芥子貯山河偃月爐中煮天
地煎煉日魄并月髓笑把葫蘆禁鬼神杖頭挑
起山和水栞巴喫飯飛成蜂左慈剪艾化為龍
夏月梅花冬月電似此伎倆開呂鍾撮土為香
猶是假水底麒麟取作鮓鬼神眼精突出外無
根樹下騎鉄馬工夫到處戲極時拈弄造化如
兒嬉大蟲舌上翻筋斗却笑金剛學畫眉女皇
要補西天竅煉石不得羲皇笑秦皇鑿山通四

白真入集 卷之三
溟漢帝掣之一長笑先生手持沒底籃出有入
無猶不凡携此道術問四海洞賓今王覓同參
盞裏錦包或聚散火裏遊魚水裏鴈黃鶴樓前
大醉時撐眼撮與鍾離看水盆攪散五色沙滿
地寫出龍蛇花自將一盞逡巡酒敢向人前化
作茶策籬裏面一條路透入青霄雲外去十字
街頭開舖席翻手覆手成雲雨如今天下覓無
人似君道術真入神踏遍江湖今幾春都來一
箇雲水身

端午述懷

方瀛山上風颼颼五月六月常如秋松花落地
鶴飛去萬頃白雲空翠浮夜半蟾蜍落丹井琪
林深鎖寒煙溟滿天白露點蒼苔蛙市一散萬
籟靜三樹兩樹啼斷猿樹冷棲禽夜不眠數點
飛螢戀沙逕山腰石澗悲寒泉鍾聲隔斷華胥
路不知蝴蝶飛何處摩娑兩眼摺紙衾人道今
辰正端午曉雨初霽梅子肥龍孫脫箨新燕飛
山居蕭然無一物摘藟搗麥充晨炊憶着往年

五月四葛中羽扇鸞溪市龍艘破浪槩萬枝鉦
鼓聒天旗掣水紙錢飛起屈原祠行人往來如
蟻移桐花入 綵繫臂家家禦疫折桃枝庭前
綠艾制綠虎細切菖蒲斟綠醕羨鵝鱠鯉辦草
筵冷浸水團包角黍今年寂寞坐空山山雨山
風生曉寒默庵令我休噫氣作詩畧述山居意
安得兩腋生飛翰與君飛上沉寥間免使在世
賦辛酸

山巖行

醉携七尺霜前竹雲錦山前灣幾曲溪頭秋雨
添寒綠蛟龍冷浸一壘玉蓼花錦岸紅欲流稻
田高下鋪碁局碧岩聳出碧天半鳥不敢飛縮
雙足古洞無人石酒酢峭壁仙倉積大粟老稍
指顧猶驚呼神剏鬼劃出崖谷搗藥聲乾人已
仙萬丈丹井一泓泉風擊古松飛翠蓋日射蒼
苔鑄綠錢藤蘿拽樹擘輕烟黃鶴一去今何年
天欲夕陽空鳴蟬夜深嶺月向人圓蕭寺老
留數椽殘僧一二掩柴門錢像面壁蕭蕭然瓦

白雲集卷之三
十一
爐無火古殿前寒推到窓簷息溜暮雲衰草覺
山瘦楮衾不煖不成眠虎聲入耳猿聲喧幾點
踈星落梧桐丹巒紫壑高相聞何當汗漫跨青
牛曉露冷冷白玉樓

燕岩行

有客來從天竺峰渡頭恰趁一篙風秋風着力
送行李吹入燕岩松竹裏松竹淒淒天作秋空
來空去空中浮高岩萬丈聳空碧仙翁騎鶴去
無跡丹爐不火草芊芊數間岩壁掩寒煙下有

龍潭綠無底瀑布懸崖千尺水夜來因影空滿
山石鐘一響玉秋寒玉燕何年崖下舞飛時化
作滿天雨畫言此岩多仙靈白鶴點破一山青
烟霧罩山石常潤莓苔滿地翠無盡我欲它年
此煉丹奪取人間千歲閑有箇高人陸岩主抱
琴對我彈中呂勸我他年歸去來此岩莫被煙
霞埋

胡東原香錦亭

東皇剖破勾芒腹錦心綉腸香馥郁絳都風雨

儻然春花魂無主自精神黃鸝初喚柳開眼海
棠枝上春烟煖放出一點兩點紅墻頭紅腮微
笑風東原去後花無主春工亦懶施機杼亭前
忽過詩酒仙花亦噴出些龍涎風催雨釐花不
辨滿庭芬芳生爛熳牡丹吐火花欲然日將錦
綉鋪苔蘚詩狂夢與花神飲酒醉不與花神寢
酒闌令我憶東原花木雖在人惻然此詩終不
爲花作惆悵東原此丘壑而今賞花不見人但
見蜂蝶飛閑亭

飛仙吟贈留紫元

夜騎玉鰲採明月藻殿瓊臺寒徹骨三十六天
不閉門風吹琪花散飛屑宵韶鳴處隊仗多八
萬霓裳歌白雪紫皇宴罷駕方出整衣端簡去
朝謁火鈴將軍呵一聲左右萬真聳毛髮奏云
臣是雷霆吏舊因罪去辭丹闕紅塵埋身平至
耳餐青飲綠守苦節飛神登天來正渴是帝有
酒覓一啜使臣一醉放臣歸歸去人間向人說
鳳凰閣下問歸途瓊童玉女却問予天上日長

自集卷之三
太清虛人間還似此間無搖頭不答徑拂袖白
雲渺渺迷清都洞中猿鶴更相認白石爛兮青
松枯

長短句

聽趙琴士鳴弦

我尋屏跡到猿啼雲滿山前花滿溪高峯壁立
七十二風生兩腋天可梯練師兩鬢東風黑糾
天不流月光白簷牙咬雨昨已晴松屋張空夜
瑟瑟興濃抱石玄以輕得意七絃橫玉繩膝頭

指弄響玲玲燦然奪目三十星初如雨滴芭蕉
夜久坐梧桐須嘯罷宛然幽澗聽鳴泉偶雜修
篁夏清夏先疑易水渡荆軻已轉似勸無渡河
美人金帳別項藉壯士鈇笛吹孟婆不然雙雉
兩南北或者婦牽蘇武服絃中何似湘妃怨指
下為甚明君哭又非牀下感蠨蛸更非胡笳叫
晚秋自然鴈聲下遙塞忽覺蟬噪過南樓君休
彈終我畏聽滿懷今古興亡病蒼梧雲愁虞舜
遠鼎湖雲出軒轅冷一聲一聲復一聲不啻世

白身集卷之三
五
間銀髮生彈盡天涯夕陽影又向山中彈月明
胡長卿云已久韓飛瓊無此手玉帝聞未曾人
間空白首柳花霏霏滿江城城外海棠紅淚傾
恐君餘思更未已爲我春書聞晴鶯

贈方壺高士

蓬萊一山壓弱水鳥飛不盡五雲起紫鱗曉舞
丹丘雲白鹿夜啣黃芽藥浩浩神風碧無涯長
空粘水三千里中有一洞名方壺玉顏仙翁不
幾上帝賜以英瓊瑤縫芝緝解佩蘭芷戲吹雲

和下朱塵還煉五雲長不死丹砂益駐長紅顏

玉石弗礪愈白齒醉飛罡步躡星辰時把葫蘆

桔鬼神早曾探出天地根寸田尺宅安崑崙安

知我即劉晨孫不復更覓桃花源或者即是劉

岸身

建州武夷有藏
岩有老仙劉岸

豈復別尋會仙村

在武夷
第九曲

一閉目頃游六合坐裏汗漫詣渾淪何不裹糧

圓嶠外寧又遠汎閩風津雲屏烟障只笑傲烟

猿露鶴與相親君不見剛風浩氣截碧落上巖

天關九屏惡俯視萬方萬聚落綵長歲月能幾

白真入集 卷之三
時米大功名安用為不特世界寄一粟便請芥
子納須彌初從螺江間草屨已判此身輕似葉
及其沅湘過衡岳一笑江山闊如楮如今坐斷
烟霞窩已誦東皇太乙歌不作竹宮桂館夢柰
此四海黃冠何夜來坐我酌拄醪不敢起舞賓
雲曲何年踏踏去方壺我欲騎風後相逐

贈蓬壺丁高士琴

瓠巴騎鯨上天去伯牙成連亦千古淺世斷無
鍾子期弦中妙意為誰舉春風春雨滿瀟湘人

在蓬窓閉竹房竹裏鶻啼喉舌冷花間鶯宿夢
魂香客從瀛沅下衡岳滿懷詩愁無處着請君
拂去水晶壘淪茗一了撫然作道人聞予若為
情伊弦淒兮予莫聽一春十病九困酒三月都
無二日晴俛首沉吟聲一曲吟徂一罷撚撥續
初如雪泉嗽鳴玉已轉忽如雨簌簌於中亦有
蟠蛸鳴倏忽變作冷猿聲如疑荆軻渡易水乃
是湘妃夜涕零昔從撫斷南風了美里幽人始
能勝可嘆壇中苦杏花山高水寒即聲遶道人

白真八集 卷之三
此意非人間矢詠洞草鏘佩環能吟鳳舞下丹
漢雲裏大地垂頭有世間雞虫互得失只好牧
羊坐花石何爲兒女謾昵昵候虫時鳴徒戚戚
輸君朝朝在翠微鶴已睡去人不知笑思古今
一俯仰彈到千山月落時君不見梧桐枝上雙
讌語盡將萬事等風絮琴中日月何修閑肯使
事逐孤鴻度

謁仙行贈萬書記

蠲管飛葭方玉籥青女仍前夜行惡連日東風

生峭寒黃鸝聲斷梅花落客來武夷訪靈蹤入
字洞門無鎖鑰溪頭昨夜添新雨桃片滿溪紅
灼灼蒼苔滿地空綠勻芳草無言烟漠漠搗藥
聲乾丹井寒虹橋一斷收霞幕千古松風學鳳
笙向晚清客滿林壑山光不動舊松竹洞中慘
慘悲猿鶴機岩學館空無人紫嶺丹丘久蕭索
霧暗平林虎長嘯碧潭生花老龍曜峭崖飛鳥
不敢過萬丈蒼瓊真峻削山中金蟾不可尋石
邊且取黃芝嚼我生逍遙事落魄泉石煙霞得

白真集 卷之三
真樂身披綠麻戴青蒻橫檐碧藜躡芒屨只愛
山林厭城郭却厭膏粱愛藜藿冷眠石上入華
胥夢見太虛無斧鑿鳩來洞中未半餉轉盼又
覺經旬朔今朝雲頭雨收脚欲歸又被溪山縛
欲作此地三間茅朝食紅霞暮飲瀑已有神仙
分定緣定知道外無乾坤只愁天上多官府九
轉丹成未敢吞

新刊瓊瑄白先生集卷之三終

新刻瓊瑄白先生集卷之四

宋 海南白 玉蟾 著

詩七言律

題清虛堂

月移花影來窓外風引松聲到枕邊長劍舞餘
烹茗試新詩吟盡抱琴眠酒醅初撥青螺髓香
篆常燒紫馬鞭九曲溪頭沖 觀清虛堂裏有
神仙

初見嬾翁二首

一掬精神迥出塵嬾翁自是不凡人淵明松菊
徑猶綠靈運池塘草正春已把芝田栽枸杞不
將苔砌輾蒲輪家傳衣鉢歸龍鳳自指冰壺嗣
穎濱

二

坡仙何日跨鯨歸公是蘇家老白眉把劍舞殘
盃內酒撫琴彈破筆頭詞桂林種德不知歲福
海流長無盡時他年翁若回蓬島穩把青氈付
阿誰

賦呈嬾翁二首

驚秋鏡裏鬢邊星到處溪山皆洞庭怒雨打蓮
歌沼綠顛風掣竹過墻青趁船紫燕辭芹渚縮
頸白鷗眠蓼汀荷笠欲尋嬾翁去帶些爽氣入
踈櫺

二

嬾翁老白結忘年秋入淡烟踈雨天醉把黑餅
圓企夢時將草聖放些顛杖藜還盡溪山債杯
酒結今風月緣梭督青童馳訥槩鱗煩柴吏饋

雄篇金華都似一標大却貯兩枚詩酒仙

薄暮抵嬾翁齋醪醑至醉遲明有詩以控

感懷

旋聞白酒買蓮房蒲瀉桐膏炤玉缸月女冷窺

青斗帳風神輕轆碧紗窓公疑我是今皇甫我

恐公為昔老龐醉後唾珠粘紙面笑將筆力與

人扛

贈王太尉

一曳華裾出禁庭一聲長嘯萬山青歸來車馬

如雲擁掃去簪纓似夢醒紅瑪瑙杯斟白酒碧

珊瑚枕椅朱屏也須趁取些強學作箇唐人五

達靈

唐在達靈因諸青城山遇丈人得道

復盧良庵韻

擬占朝班最上頭官清冷似一天秋風花雪月

千金字水竹雲山萬戶侯海客盟鷗終不動塞

翁失馬更何求明窓淨几華胥外蝴蝶翩翩自

夢周

題張知丞翛然軒

不着人間一點塵
儵然一室貯幽人
清宵甕下酒中聖
白晝筆頭詩泣神
芳草借鋤怜綠淨
落花慵掃愛紅勻
碁聲隔斷華胥路
自把博山燒莫香

和葉宰韻題震無咎齋

蝸角蠅頭既可憎
如何又問利和名
學他太古先天妙
合取中庸一點誠
乾坤所謂日月祖
坎離乃是天地精
工夫學到震無咎
隻字拔茅乘泰亨

立秋有懷陳上舍

沒巴沒鼻落一葉
發顛發狂何處風
九十日暑掃地去
滿懷汗珠尋已空
却煩察判潘孺了
說與上舍陳交龍
來宵無雨必好月
一樽還要與君同

夢中得五十六字

醉醒曳杖訪松關
正在黃香杳靄間
既去復來秋後暑
似無還有雨中山
澗邊幾葉晚花落
天際一鈎明月彎
自覺餘煙埋屐齒
行行印破蘚

痕班

胡中隱庵中傷春

盡把天工付祝融
東皇歸去太華宮
稜稜山色聳蒼玉
湛湛波光清碧銅
楊柳入天鳩
要雨海棠落地蝶
嫌風好將杖屨西
國看萬紫千紅一夜風

寓息庵送春

筆下自然詩料飽
天工飭出好山溪
魚知水暖不勝躍
鶯見花飛只管啼
樹頭鴈使婦喚雨屋

後竹教孫出泥太白十杯人酩酊碧挑洞口日

啣西

胡子羸庵中偶題

道人慣喫胡麻飯
來到人家今幾年
白玉樓前空夜月
紫金殿上起春烟
閑傾一盞中黃酒
悶掃千章內景篇
昨夜鍾離傳好語
教吾且作地行仙

贈天台老樊

別後俄經幾許春
相逢一笑挹南薰
灰頭土面

白真八集 卷之四
無人識木食草衣嫌俗紛在浙之台今已久姓
樊名邴寂無聞為君傳此新詩去寄與鉛山趙
翠雲

贈吳草裘

聞道青城有老吳話頭入耳十年餘偶同嫠女
無憂客來到天台撞見渠身上衣衫惟布素口
中談吐盡丹書想君已是千餘歲誰道神仙世
上無

寄蘇侍郎

往古來今如換肩我疑公便是坡仙滿城都沒
箇伯樂一日可能無樂天方且論文俄判袂不
知握手又何年忽然鉄笛一聲響響到金華古
洞邊

天開畫樓圖

層簷疊嶽入蒼冥千山萬山相送迎晴雲一抹
收未了溪尾更濯餘霞明化工朝暮費點染丹
青變態隨深淺凭欄展空千里眼却愁此軸難
寄卷

白真入集 卷之四
贈危法師

會見先生在九華朝餐玉乳看瓊花鹿冠夜戴
青城月鶴氅晨披紫府霞偶携劍在人間世未
把琴歸仙子家一笑相逢松竹裏炷香新話啜
杯茶

遊楊梓岩

天半秋風鳴萬松荒花半落夕陽紅寮烟暗鎖
仙壇古野草深藏丹竈空人採紫芝何處覓我
來白晝不相逢一聲簫管笑揚袂秋色滿懷詩

興濃

燕岩遊罷與岩主話別

西風吹作此岩遊滿目松筠翠欲流玉燕不飛
明月夜石鍾一振曉霜秋惜乎分水便南北忽
爾回頭欲去留且去人間辦丹料却來山頂結
茅休

題舒氏難老亭二首

別是人間一洞天椿松鬱鬱起祥烟德同柱種
不知歲福與水流無盡年萱草堂前千古事蓮

花池上兩神仙
萊衣戲綵人無悉
結畫溪山風月緣

二

二十三天第一天
玉皇殿下裊輕烟
不知劫數今何代
方是延康第二年
弱水無船歸似箭
華胥有夢且遊仙
携筇難老亭前坐
且結焚香瀹茗緣

贈琴客陸元章

手持一枚寒水晶
十指擊戛如玉鳴
曲彈白雪

湯春調調有高山
流水聲松梢鶴唳
恰夜半寒烟寂寂
風冷冷紙衾瓦枕
冷如水展轉無夢
睡不成起來搔首
撫一闕吟罷滿山
秋月明

題樓仙館

好松好竹好溪山
車馬駢闐自往還
行客聞籥新酒白
入門踏破嫩苔班
我言物外清幽地
却似塵中闐闐間
穀粟桑麻空潤屋
主人陪接不曾閑

雨中題旅館

風攬長空秋雨懸路如苔滑懶搖鞭入門指僕
買杯酒磨墨倚窓吟一篇黃竹繞簷黃蟻戰白
蘆映水白鷗眠一聲長嘯便歸去回首孤村空
暮烟

怡齋

逸士幽居松竹林小堂偃枕北山陰夜深冷月
寒透戶曉起清風爽楮衾把劍更飡盃而酒收
書動破篆頭琴自從一見羲皇面千古誰知養
活心

天谷庵

半天突出一竒峯小小茅庵滋味濃夾道新松
招夜月滿林幽竹喚秋風迎人野鳥問關語惱
客岩花爛熳紅策杖且隨流水去柴門時有白
雲封

降真室

瓊鐘發響綵旛飛窓外青鳥半夜啼松竹無言
爭地靜星辰可摘覺天低黃雲屋角勝金輦素
月簷頭放玉梯稽首紫皇初宴罷太虛聲斷乞

刀圭

贈慵庵盧副宮

山色凝雲翠幾重
鳥聲驚落夕陽紅
要携琴去彈秋月
且撥棊來着晚風
一度醉眠知事少
數番吟暢覺心空
慵庵不與人相與
閣上紫門滋味濃

盧叔裕清貧軒

一味道遙不管天
日高丈五尚閑眠
溪魚村酒別般味
野菽山穀不用錢
甕牖華門關小徑
乾

柴白米煮清泉
有時拄杖青松畔
便是人間快

活仙

劣隱

世態炎涼覺鼻酸
洞門空掩綠烟寒
仗三尺劍臨風舞
把一張琴對月彈
斫竹數竿容水過
倚松半日我經看
山林心緒得閑處
好煉長生不死丹

思微堂

訪靈寶觀詠思微堂靈寶中盟錄
有思微定志勝因以命名取為之

白

吟

思微堂裏自冲虛高士閑居興味殊月吟花開
數朶靜風清鳥過一聲孤誰知心上工夫妙欲
覺人間俗累無九轉內丹成也未快騎白鶴去
天衢

題上清法堂壁

秋雨懸天風作寒冷烟瑣住屋頭山半岩飛鳥
一聲過峭壁斷雲千古閑世俗不知幽靜處神
仙隱在有無間夜來小艇篙脫手醉把霜筇入
翠灣

太虛堂

滿堂冷靜爽精神不着人間一點塵簷鵲噪風
呼薄晚庭花飄露落殘春華胥上國今無夢龍
漢元年古有身香篆飛從窓外去雲梢孤鶴唳
何人

三華院還丹

絳宮無事絕塵埃坎虎離龍戰幾回白雪飛空
鉛蘂綻黃雲覆鼎汞花開龜蛇抱一成丹藥烏
兔凝真結望胎夜半瀛洲寒月落冷風吹鶴上

蓬萊

送江子恭三首

我欲楊村結草廬不知踪跡又江湖回觀咫尺
如天遠自別手標僅月餘一二時思故舊整千
百里望可音書憶君不恐忘懷處一片青雲點
大虛

二

春來行盡爛田畦雲滿春空水滿溪風漾碧波
翻麥隴日晴紅雨落桃蹊杜鵑聲斷驚寒兔蝴

蝶夢殘聽曉鷄人在江東寄歸信海棠花謝燕
街泥

三

子到鉛山我信州筍輿軋軋又歸休數程細雨
斜風路一片落花啼鳥愁何必便為阮籍哭不
來相伴赤松遊它年我到蓬萊去一粒金丹汝
去不

送張太師

自從汝離武夷來險阻艱難歷幾回江左旅中

連值雨春深路上滑成苔鳥啼花片落流水風
慘猿聲嘯古臺舉眼四山如壁立教君歸去也
心灰

贈杜省元

海外三山一洞天金樓玉室有神仙南柯國裏
柯岩叟白馬江邊馬自然鯨脯味甘供老廣黃
麻飯熟飼彭鏗金丹煉就爐無火桃再開花經
幾年

淡庵倪清父

地僻人閑春晝長了然物我兩相忘薄披明月
歸詩肆細切清風入醉鄉蠟味溪山閑裏嚼
羹松竹靜中嘗把琴彈破世間事淨几明窓一
炷香

倪敬父柯山

暮雲橫翠夕陽斜啼罷歌樓林外鴉綠竹弄搖
風裏影碧桃開遍雨中花三盃淡酒邀明月一
局殘碁驚落霞人在柯山山上詠笑揮管筆走
生蛇

酬蔣知觀所惠詩

一篇飛鳥雲破午鬼神泣視之五十六粒珠矣

座上客曰蔣知觀所惠子之詩也索紙筆以代皇恐

新鴈飛來一朵雲讀之毛骨聳寒鱗展開大句
幾鈎墨存想先生滿面春榻上賓朋談盛德山
中冠褐混凡身來朝盥手炷香去恐是蓬萊相
識人

讚鐘

聞道琳宮欲範鐘 上皇勅賜萬斤銅一摸脫
出等閑事千古要知陶鑄功敲得星飛驚落月

撞教雲破響呼風子今欲為吾皇壽笑指瓊樓
貼碧空

靖通庵

靖通庵外鎖晴雲壁瑩飛瓊兀疊鱗野鳥無心
一聲曉岩花有意四時春鑿開風月長生地占
斷烟霞不老身虛靖當年仙去後不知丹訣付
何人

澹庵

平生只要樂清虛占斷人間靜處居古壁空懸

白真入集 卷之四
三尺劍幽窓閑却一床書遠山喜色日初染枯
木涼聲風自梳細嚼清閑滋味別雲霞收拾作
糧儲

假山

一林幽竹幾時栽恠石花磚砌綠苔羽客遊岩
乘雨至仙翁採藥破雲來天台猶在眉毛聳鴈
蕩依然眼睫開昨夜摘珠人報道海邊失却小
蓬萊

美周都監禱雨驗

旱魃爲妖欲請零真人問雨幾時無先將鳳表
投金闕擬向龍潭下鉄符彈指雷鳴三霹靂舉
頭雲起一湏臾笑將斗柄輕輕岸倒瀉銀河萬
斛珠

別句呈庚契吳高士

一笑相逢在翠微綠槐高柳借涼時只將水竹
烟雲興說與風花雪月知日落二盃無事酒人
閑八句自然詩來朝雲過青山外回首空聞猿
鶴悲

蒙谷

淡烟輕鎖數株松
夜靜蕭蕭古谷風
雲掩草舒青洞綠
鳥啣花落碧岩紅
神仙去後無金劍
仕宦來時有玉桐
不知此後誰人隱
寂寞南來幾朶峰

題西軒壁

隨身風月幾清閑
不做人間餒底官
朝飲一壺朱鳳髓
暮餐八兩黑龍肝
打開俗網了無事
縛住時駐顏
昨夜夢回天上去
瓊樓玉闕不

勝寒

贈趙縣尉

半斤雷火燒紅杏
一滴露珠凝碧荷
錦帳中間藏玉狗
寶瓶裏面養金鵝
鉛花朵朶開青葉
汞葉枝枝發絳柯
莫問嬰兒并姪女
等閑尋取舊黃婆

贈趙翠雲

金公姪女到黃家
活作倉龜與赤蛇
偃月爐中烹玉藥
朱砂鼎裏結金花
奔歸氣海名珠驥
飛

入泥丸是白鴉昨夜虎龍爭戰後雪中微見月
鈎斜

贈雷怡真

地魄天魂日月精奪來鼎內及時烹祇行圭闢
蛇爭法早是龍吟虎嘯聲神水華池初匹配黃
芽白雪便分明這些是飲刀圭處漸漸抽添漸
漸成

贈天慶觀

買得螺江一葉舟功名如蠟阿休休我無曳尾


乞憐態早作灰心不仕謀已學漆園耕白韭其
為關令候青牛刀圭底事憑誰會明月清風為
點頭

題嶽祠

南來一劍住三山分得平生風月懽雖宰旌陽
應施藥本求勾漏為脩丹蒙莊且慕漆園錄李
老當為柱下官我視榮華真慣見何如早煉碧
琅玕

題紫芝院

武夷山前嘯一聲雲愁霧慘野猿驚閑披破衲
 藏風月醉把葫蘆禁鬼神杖弄銀蟾攪天地夜
 烹金鼎煮星辰睡酣不覺機關路身是紅光火
 一輪



新刻瓊瑄白先生集卷之四終

